

Der Wäg vun Kölle noh Bethlehem

Text: H. Berzau (Orthographie angepasst)¹
Musik: M. Kampermann, G. Kürten

- 1 Der Wäg vun Kölle noh Bethlehem föhrt durch Huffaat, Dommheit un Ping.
Wä leht uns der Minsche Nud verstonn? Wie off sin mer dauv un bling!?!

Refrain:

Vörbei an Golgatha wääde mer gonn, durch Hätze, su hadd wie ne Stein.
Künnte mer doch vör der Krepp bestonn, keiner wör ärm un allein,
keiner wör ärm un allein.

- 2 Der Wäg vun Kölle noh Bethlehem föhrt durch Gier un Maach öm de Welt.
Wann Richdum un Waffe Bröder sin, weed keine Hunger gestillt.

Refrain:

Vörbei an Golgatha wääde mer gonn, ...

- 3 Der Wäg vun Kölle noh Bethlehem brängk uns Trone un süht uns off
schwaach.
Der Wäg vun Kölle noh Bethlehem föhrt en de ´Hellige Naach`.

Refrain:

Vörbei an Golgatha wääde mer gonn, ...

Aus: Sid höösch, leev Lück, sid stell
© by Rheinvolk-Verlag D & G. Kürten, Köln

Vgl.: Hoerner, Ludwig (Hrsg. - für den Verein Kölsche Klaaf e.V.) Oktober 1990. *Kölsche Mädchen, Kölsche Junge, Kölsche Tön – Kölner Liederbuch Nr. 3*. Köln: Selbstverlag.

¹ nach den Richtlinien der Rechtschreibung der Akademie für uns kölsche Sproch 2007